

## Paerewa Paetae

<b>Aronga</b>	Te Reo Rangatira 1.1				
<b>Ingoa</b>	Te whakamārama i tētahi kaupapa kua ākona				
<b>Kaupae</b>	1	<b>Whiwhinga</b>	6	<b>Aromatawai</b>	Ā-roto
<b>Marau akoranga</b>	Te Marautanga o Aotearoa				
<b>Kokonga akoranga</b>	Te Reo Rangatira				
<b>Mana rēhita</b>		<b>Te rā i mana ai</b>			
<b>Te rā e arotakengia ai</b>		<b>Te rā i puta ai</b>			

---

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Tāhuhu o te Mātauranga i te tau 2017.

### Whāinga Paetae

#### *Āheinga Reo*

6.1 *Ka whakapuaki i te reo Māori ake nei hei whakaahua pikitia ā-kupu.*

#### *Rautaki Reo*

6.3 *Ka whakahiato, ka āta arohaehae i ngā kohinga hei rautaki whakaoti rangahau.*

E hono ana ki te Papa Whakaako mō Te Reo Māori kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

## Paerewa Paetae

<p><b>Paetae</b> Te whakamārama i tētahi kaupapa kua ākona.</p>	<p>Hei tohu i te paetae:</p> <ul style="list-style-type: none"> <li>• Ka rangahau i tētahi kaupapa ako</li> <li>• Ka āta whakaraupapa i ngā whakaaro matua.</li> </ul>
<p><b>Kaiaka</b> He kaiaka te whakamārama i tētahi kaupapa kua ākona.</p>	<p>Hei tohu i te kaiaka:</p> <ul style="list-style-type: none"> <li>• Ka tāpiri atu i ōna whakaaro.</li> <li>• Ka whakaemi i ngā taunakitanga hei tautoko i ngā whakaaro.</li> <li>• Ka whakahāngai i te whakamārama ki te hunga whakarongo, hunga pānui, hunga mātakitaki.</li> </ul>
<p><b>Kairangi</b> He kairangi te whakamārama i tētahi kaupapa kua ākona.</p>	<p>Hei tohu i te kairangi:</p> <ul style="list-style-type: none"> <li>• Ka āta whakamārama i ngā tino take o te kaupapa.</li> <li>• Ka hāngai, ka mārama ngā taunakitanga.</li> <li>• Ka whakamārama i ngā hononga ki ētahi atu kaupapa.</li> </ul>

## Kōrero Āpiti

- 1 E whai ake nei ngā whakamārama mō ngā kupu me ngā kīanga whaitake matua o te paerewa nei:

ā-tā	He pūrongo pea, he whakaaturanga pea, he kiriata, he whitiata, he aha kē atu. Me hāngai te tūmomo reo ā-tā ki te kaupapa ako me te horopaki.
ā-waha	He kauhau pea, he waiata, he aha kē atu. Me hāngai te tūmomo reo ā-waha ki te kaupapa ako me te horopaki.
kaupapa kua ākona	He kaupapa ka ahu mai i ngā wāhanga ako o Taumata 6 o te marautanga. Me hāngai te kaupapa ki tēnei taumata kia taea ai te whakaatu ngā pūkenga me ngā mōhiotanga e tika ana i te Taumata 6.
rangahau	Ko te kimi kōrero mō te kaupapa kia tautohua ai ngā take matua. Ka whai whakaaro ki ngā rapunga kia taea ai te whakatakoto matapae. Ka: <ul style="list-style-type: none"> <li>• whakaraupapa i ngā ariā</li> <li>• taunaki i ōna whakaaro</li> <li>• tuhi tohutoro.</li> </ul>
whakahāngai	Ko te whakarerekē kia whaihua ake, kia mārama ake.
whakamārama	Ko te whakawhānui ake i te whakaahuatanga o tētahi kaupapa kia kōrerohia ai ngā take i puta ai taua kaupapa me ngā hua

	(pai, kino rānei) ka puta. Me whai whakaaro ki ngā pātai pēnā i te 'me pēhea', me te 'he aha ai'. Me whai whakaaro anō ki te pānga o te kaupapa ki te ao, ki ōna ake wheako anō hoki.
whakaraupapa	He hāngai, he mārama, he arorau te whakatakoto o ngā kōrero mō te kaupapa kia kitea ai ngā hononga.

- 2 E rua ngā wāhanga o te aromatawai, arā, ko te reo ā-waha me te reo ā-tā. Nō reira, me rua anō ngā huarahi whakamārama, arā, ko te kōrero me te tuhituhi.
- 3 Ehara tēnei i te aromatawai i tētahi kōrero kua mau ki te mahara, kua tuhia rānei ki te rae. Nō reira, mō te taha kōrero, me kōrero māori atu te ākongā i ētahi wā o te aromatawai. Me whai wā rānei ki te matapaki i te kaupapa kia kōrero tene noa ake te kōrero.
- 4 Mō te taha tuhituhi, he tuhinga whai kōwae te hanga, ā, me whai te ākongā i ngā tikanga o te tuhinga roa.

### Kuputaka

arorau	logical
hāngai	relevant, related
taunaki	support with evidence
taunakitanga	evidence

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233